



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

27.02.2025

187-tm-son

### **Talabalarga hayfsan e'lon qilish to'g'risida**

Bugungi kunda universitetda yuqori malakali, zamonaviy yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda.

Jumladan, 2025-yil fevral oyida universitetning Ommaviy huquq fakulteti tomonidan fakultet talabalari o'rtasida universitet Odob-axloq kodeksi normalari va Ichki tartib qoidalariga amal qilish holati o'rganilganda Davlat-huquqiy faoliyat yo'nalishi 3-kurs talabalari Shodmonqulov Shohjahon Muzaffar o'g'li va To'xtayev Saddam Nuriddin o'g'li 14-fevral kuni universitet hududida tamaki mahsuloti chekkanlik holati aniqlandi.

Talabalar Sh.Shodmonqulov va S.To'xtayevlar tomonidan ushbu holat bo'yicha tushuntirish xati olinganida, talabalar mazkur holatni tasdiqlab, qayta takrorlamasligini bayon etgan. Vaholanki, mazkur talabalarga muqaddam universitet Odob-axloq kodeksi normalari va Ichki tartib qoidalariga amal qilmaganligi sababli ogohlantirish berilgan hamda o'rnatilgan tartib-qoidalarga takroran amal qilmasa, tegishli tartibda "hayfsan" intizomiy jazo chorasi qo'llanilishi mumkinligi to'g'risida ma'lum qilingan.

Talabalar Sh.Shodmonqulov va S.To'xtayev mazkur harakatlari bilan TDYU Odob-axloq kodeksi 17-moddasi to'qqizinchi xatboshisi talablarini buzishgan.

Shuningdek, Davlat-huquqiy faoliyat yo'nalishi 3-kurs talabasi Tog'onov Diyorbek Hamdambek o'g'li hamda Davlat va jamiyat boshqaruvi yo'nalishi 3-kurs talabasi Muhitdinov Nurbek To'raqul o'g'li 2025-yil 11-fevral kuni bir necha bor ogohlantirishlarga qaramay dars mashg'ulotiga kiyinish talablariga rioya qilmagan holda kelganliklari aniqlandi.

Talabalar D.Tog'onov va N.Muhitdinovlar tomonidan ushbu holat bo'yicha tushuntirish xati olinganida, ular mazkur holatni tasdiqlab, qayta takrorlamasliklarini bayon etishgan. Vaholanki, mazkur talabalarga muqaddam

universitet Odob-axloq kodeksi normalari va Ichki tartib qoidalariga amal qilmaganligi sababli ogohlantirish berilgan hamda o'rnatilgan tartib-qoidalarga takroran amal qilmasa tegishli tartibda "hayfsan" intizomiy jazo chorasi qo'llanilishi mumkinligi to'g'risida ma'lum qilingan.

Talabalar D.Tog'onov va N.Muhitdinovlar ushbu harakatlari bilan TDYU Odob-axloq kodeksi 12-moddasi to'rtinchi xatboshisi talablarini buzishgan.

Bundan tashqari, Davlat-huquqiy faoliyat yo'nalishi 3-kurs talabarlari Alimov Asadbek Rustamovich 2025-yil 14-fevral kuni va Muxammadiyev Islombek Oybek o'g'li 2025-yil 11-fevral kuni dars mashg'uloti davomida o'qituvchining ruxsatisiz telefondan bemaqsad foydalanib, ijtimoiy tarmoqda foydalanganlik holati aniqlandi.

Talabalar A.Alimov va I.Muxammadiyevlar tomonidan ushbu holat bo'yicha tushuntirish xati olinganida, ular mazkur holatni tasdiqlab, qayta takrorlamasliklarini bayon etishgan. Vaholanki, mazkur talabalarga muqaddam universitet Odob-axloq kodeksi normalari va Ichki tartib qoidalariga amal qilmaganligi sababli ogohlantirish berilgan hamda o'rnatilgan tartib-qoidalarga takroran amal qilmasa tegishli tartibda "hayfsan" intizomiy jazo chorasi qo'llanilishi mumkinligi to'g'risida ma'lum qilingan.

Talabalar A.Alimov va I.Muxammadiyevlar mazkur harakatlari bilan TDYU Odob-axloq kodeksi 21-moddasi talablarini buzishgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, universitet Odob-axloq kodeksi 17-moddasi to'qqizinchi xatboshisi, 12-moddasi to'rtinchi xatboshisi, 21-moddasi va Toshkent davlat yuridik universiteti Ichki tartib qoidalarining 83-bandi hamda Ommaviy huquq fakulteti dekani Sh.Saydullayevning bildirgisiga asosan

### **BUYURAMAN:**

1. Universitet Ommaviy huquq fakulteti talabarlari Shodmonqulov Shohjahon Muzaffar o'g'li, To'xtayev Saddam Nuriddin o'g'li, Tog'onov Diyorbek Hamdambek o'g'li, Muhitdinov Nurbek To'raqul o'g'li, Alimov Asadbek Rustamovich va Muxammadiyev Islombek Oybek o'g'illariga hayfsan intizomiy jazo chorasi qo'llanilsin.

2. Ommaviy huquq fakulteti dekani (Sh.Saydullayev):

mazkur buyruq bilan qo'llanilgan intizomiy jazo chorasini fakultet talabarlari o'rtasida shu kabi holatlar takroran yuzaga kelmasligi, ularda dars mashg'ulotlari hamda professor-o'qituvchilarga bo'lgan hurmatni shakllantirish maqsadida barcha talabalar e'tiboriga yetkazish choralari ko'rsin;

ushbu holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarining shaxsiy hujjatlar yig'ma jildlariga buyruq nusxasi

tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

**Yoshlar masalalari va  
ma'naviy-ma'rifiy ishlar  
bo'yicha birinchi prorektor**



**A.XASHIMHONOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

SH.SAYDULLAYEV

**Kelishildi:**

Katta yuriskonsult

A.TURSUNOV



Direktor

SH.PO'LOTOV

